

Title: Sipani 1974R

Speaker: Cipriano Gómez Yermo

Language: Guazacapán

Collector: TK

Date Recorded: 1974

Date Transcribed: ?

Date Typed: 08/09/2006

Typed By: ER

< text >

「man de (1) kumu sipani,

mušuk'a nał hente;

t'uur'iili ke mułək'ə na?ał

muter'o,

?i mušuk'a na?ał.

?i k'ał beese, łək'əy' k'ał šurumu ?i turey ša maku,

?i ?entonse hin nał mułəkən'ə handa? mutum'u ?im'a,

?i 「con el tiempo (1) , łək'əy' 「mu?ayapa? (2) huurak

na šurumu.

porke kunuy nah mu?eskopeeta,

muter'o nał tuma,

?i mutur'a ša maku.

?i 「mutil'ak'a na?ał (3),

?i 「munuhuɕ'u (4) na?ał.

?entonse despwes hin bał nał 「ak'ənək'i (5) hinah,

?oor'o wereke ki?,

?entónse ?/ukey pensar nahłik ke kuy nał hi? šuk'ey surumu.

?i komo nah šurumu kiten'ah hənək'ih (6) na?ał,

?akuła turey troosoh yəma,

?i ?ukey ?enkantar

?i p'ur'uy hina? p'uur'uk,

?i ?ukey ?enkantar

porko łot'ot'o nał hi? troosoołe hutu.

?entonse poy'oy nał nahłik

ke nah na šurumu łot'ot'o nał hi? narih,,

?i ke troosoh yəma hoor'oy nah byen p'uuru?

「de (7) wapi ?asta ša huuših. (8)

ʔentonse ʔimey nah ke:

“ʔišik'i pari ʔsi (9) ndaʔ ʔuk'ak (ʔək'ək ʔ) lograr.

sam'u nah naka wapi,

kuy nah sam'un šan šEEK'eh”

poy'oy nah ke šurumu naʔaʔ,

kih na šurumu siiriʔ naʔ ʔukah ʔəʔl'ə ʔʔotok šasha (10).

ʔentonse ʔasək nik'iy na ʔaʔi,

haapaʔ kiʔ pat'ey ʔna klaabuh (11) yəma šan šEEK'eh,

šamin'ih, ša pašaha,

tumukiʔ ʔša (12) nik'iy na ʔaʔi,

tumukiʔ ʔhaaraʔ. (13)

ʔentonse hin baʔ paataʔ ʔkuykuy (14) kikiH.

ʔentonse ʔim'ey ke muʔuk'a naʔ perdonar,

ke hin baʔ šan han hiʔ kuy puley nah.

ʔi ʔimey nah ke kuy ʔakuʔ wirkiy

miy'aʔi, pat'uuli, hur'uuli, hašuuli.

ʔentonse na šurumu hin nuk'ey ak'uh.

mehor ter'oy dyuunabes,

porke si wirkiy naʔaʔ kumu hur'u/miya

hin ba naʔ mukšuk'a miy'aʔi,

porke ʔtup'eyʔ (15) práktiko,

porke ʔasək muʔuk'a naʔ pensar muʔaʔi miya,

ke ku šuk'ey ʔʔik'aʔ (16) miya ʔaʔa peʔ,

him baʔ naʔ minak'i miya, mehor ʔakuʔa naʔ ʔšiiriʔ (17).

kumu hin wirk'iy nah,

hin muhən'ə miy'aʔi ʔəkə (18) kuy teroʔ.

ʔakaniʔ mukšuk'a neetek miya

ʔasək muʔʔak'a/muk'niw'a.

</text>

<notes>

1. man de- <er> these two words are underlined with a wavy line </er>

2. muʔayapaʔ- <tk> {EDAD DE (A SER)/muʔayapaʔ} </tk>

3. mutil'ak'a naʔaʔ- <tk> muʔuk'a naʔ salar </tk>

4. munuhuʕ'u- <tk> munuhøu a Xinca mistake </tk>

5. ak'ənək'i- <tk> akontentoke </tk>

6. kiten'ah hənək'ih - <tk> {muy listu/kiten'ah hənək'ih} </tk>

7. de- <tk> dende (→ de) </tk>
 8. dende (→ de) wapi ʔasta ša huuših- <tk> “como que de pie a cabeza </tk>
 9. síi- <er> this word has a box drawn around it </er>
 10. ʔotʔok šaha- <tk> {ʔotʔok šaha/maku} pwertah </tk>
 11. na klaabuh- <tk> kumu čutuuli kumu klábuli </tk>
 12. ša- <tk> ʔonde </tk>
 13. haaraʔ- <tk> ʔukey ʔensartar </tk>
 14. kuykuy- <tk> ʔukey mober </tk>
 15. tupʔeyʔ- <tk> ʔukey naʔ dehar </tk>
 16. ʔikʔaʔ- <tk> “tal </tk>
 17. šiiriʔ- <tk> širiʔ ? </tk>
 18. ʔəkə- <tk> {ʔəkə/han bari} </tk>
- </notes>